

ادع الى سبيل ربك بالحكمة والموعظة الحسنة

صاحب امتياز و سر محرری
بازید مجیز در سماع لندن و ایاصوفیه
واعظ لندن

خیر الدین

مدیر مسئول

ابن الهمت محمد نور الله

حلیتین

محل اداره سی باب عالی جوازنده بواسطه
جاده سنده (نجم استقبال مطبعه سی)

حق وعدله خادم دینی ، اجتماعی ، فنی ، ادبی هفت هفتی مجموعه اسلامی در

مسلمکزه موافق آثار مع الم نوبه
درج ایدیلیر .

آبونه بدلی ۲۰۰ غروشدر

مخبرات اداره نامه کوندربله ایدر

نسخه سی ۵ غروش ۲۷ جمادی الاولی ۱۳۳۷ پنجشنبه ۲۷ شباط ۱۳۳۵ عدد ۴

اشته اوزمان بالعموم سكان ارضك دين اسلامي قبول
لازمكولر معناسی مقتضى دكيدر بوكون مات مسيحه
نامی التنده يشايان دينسزلر شويله طورسون احكام
انجيليه معتقد بولنازلرك بيله بيكده بری احكام انجيليه
رعایت ایده مامكده درلر بوده طبعیدریعی حکم انجیل
خارج بر طاقم احکام وقوانینه رعایتلری ضروریدر
چونکه بونلرك سالك بولمق استدکاری دین نصاری
بوندن اون اوج کسور عصر اول فسخ نسخ ایدلمش
یعنی طبایع بشریه امزجه انسانیته تبدیلیه بشریت
اوزرنده قابل تطبیق اوله میه جی سیدالبشر معلم الخیر
اولان حضرت پیغمبر اقدمن طرفدن خبر ویرلمش
ووصل خبر ویرلمش ایسه برمعجزه باهره وقاهره اوله رق
خیلی زمان اول قرطبه و بغداد مدرسه لری واسطه سیله
اوروپالیر طرفدن بو حقیقت اکلشلمش اولدیغندن
احکام انجیلیه یی یواش یواش ترک کنیدلرنده بر بحوریت
حسن ایتشلردر . حتی فرانسه انقلاب کیرنده الدهاش

دين اسلام مانع ترقيدر ديانلره جواب

زیرا انجیل شریف موقت بر قانون شکلده بعض
اقوام مخصوصه به انحق یدی عصره قریب بر زمان ایچون
انزال بیورلمش بر قانون الهی ایدی الی اخر الدهر نه
عموم ازمنه یه نه ده بالعموم سکنه ارضه شمولی واردی
قران عظیم الشان ایسه قایت شمولی فردی واجتماعی
حریت وجدان سلیم اوزره مؤسس بتون سكان ارض
اوزرنده قابل تطبیق بر دین عمومی اوله رق شرفغزول ایتش
اولدیغه بالعموم وجدان سلیم اربابی شهادت ایتمکده
اولدقلری کورلمکده در حتی اوروپا حکما سندن بر حکیم
حکمتشعارك دین اسلام دین استقبال در دیعی یعنی
علوم وفنونک وها سن رشده واصل اوله مامسی دین
اسلامك بالعموم حقائق مادیه ومعنویه سی هنوز تمامیه
کشف ایده مامشدر علوم وفنون هانکی دورده تکمل
ایله رده اسلامیتك علویتهی الکلامق درجه سنه کلور ایسه

عامل اولان (روئستید) دین عیسی نك الغاسیله انك مقامنه دین عقلی نك قائم اوله جغفی اعلان ایتمش ایسه ده الله عقل و وحیك حرکاتی قوتزول و فرق و تمیز ایده جك کتاب حکمتصاب اولان قرآن عظیم الشان کی بر معیار سالم العیار بولمیدیندن بوده بابالر کی بلکه بابلردن دها شیع توپلری اوپرده جك درجده وحشتلر کوسترمشدن واقعا عقلی انسانی بعض یرده رأسا خبری شردن تمیز ایدر ایسه ده بر جوق یرده اونکده بر رهبره احتیاجی بولندی انکار ایدیه من نصل که انسانك کوزلری بر نور اولدی حالدہ مطلقا کائناتی کوزمک ایچون شمس و قمر و یاخود قدیل موم الکتریک و سائر کی بر نور بر رهبره محتاج ایسه عقلده عین کوزلر کی بر رهبره احتیاجی اولدی درکادر اور رهبر اعظمه شهسز فطرت سلیمه بشریته غایت موافق بر صورتده شرفزول ایدن قرآن عظیم الشان اولدیغه شهسز یوقدر (روئسی بترک) دینسز لک اوزره ایتنا ایتدیکی دین عقلی حیاتزاق اخلاقسز لک کی انساننك اساساتی کمیران بر طاقم شهوات انفسیه دن عبارت بولمش بوایه بالاخره سبل العام کی اوکته کیمک قابل اولمیان دها بر جوق وحشیانه احواله جرسنگارانی ارتیره جغفی دریش مطالعه ایتمش اولمالی که بالاخره اوزمانك فرانسه ملت محلسنه مراجعتله بر اللهک وارلغنی و روحك بقاسی حقدنه درمیان ایتدیکی تکلیف قبول اولنه رق اس قوانین صرمته کچیرمشدر .

ایسته بودین اسلامه تمامیه موافقدن زیرا اللهک جل جلاله وارلغه قائل اولمیانلر و روحك بقاسی انکار ایدنلر قدر نوع بشر ایچنده مفترس خونخوار دائمی منفعت خسیسه شخصیه سنه هرشی فدا ایدر بر فرد تصور اولنه ماز نصل که بوقسم دینسزلر صرف منفعت تخصیصلری ایچون دنیایی هرچ مرج ایتمش ذواللی بشری غلبه قائل بولمیشلر قایم بولمیشلر بولمیشلر

اولدقلری میدانده در چونکه انسانلرک اوت کی بنوب صکره محو اوله جغفی وحشر و نشرک و قوع بولیه جغفی و قیل قرق یارار بر محکمه عدالتده و حضور معنوی احکم الحاکمینده محاکمه ایدیه جکی و انساننك روحندن طرغیان هیچ بر قوانینک بوقسم انسانلر اوزرنده تمامیه قابل تطبیق اوله میوب پک آر تأثیرات کوستردیکی شوشون حیاتمزد بیکارچاسی کوروب اشته میورمی دیمک اولیور که بودینسزلر حقدنه تطبیق لازمکلان مواد قانونیه دن پک جوقلرینک تطبیقته امکان بولنه میور بولنسه بیله اودینسزلرک بشریته آجیدی جریجه لر بر تریاق نافع یتمشدن ذواللی بشر محو اولوب کیدیور خلاصه انسانلر اوزرنده الک بیوک ضابطه دیندر و باشلیجه بشرینک فطرتندن طوغان دیندر اوده شهسز بالعموم ادیان سائر اوزرنده شعشعه انداز و فطرت بشریه تمامیه موافق اولان دین اسلامدر چونکه اسلام لرجه هر فرد ایچون احوال آخرتی پیش اطلاعنده کوزمک و بر حقانیت محضه اوزره اچیله جق اولان محکمه کبرای الهیده و حاکم مطلق حضورنده خلاف حق و حقیقت ایشله دیکی شیلردن کیزلی و اشکار هر نه یایدی ایسه هپسندن آری آری صوریله جغفی و ذنوبی نسبتده تجزیه ایدیه جکی یقیناً بیلوب اعتقاد ایتک سبیلله محاکم دنیوی په نك اوکته کچمه جکی و هیچ بر صورتله محاکمه فرصت بوله میه جی بر جوق اخلاقسز لک انجق بواعتماد سایه سنده اوکی اینه جغفی هر وجدان سلیمک بالضروره قناعت و اعتراف ایتدیکی بر مسئله مهمه دکلیدر .

اشته ممالک عثمانیه ده انکاری قابل اوله میه جق درجده حکمفرما اولان اخلاقسز لک و حکومت عثمانیه نك مشرف اندراس بر حالد بولمیشنک جمله انبایندن بریسی بلکه برنجیسی سالف الذکر کتب کلامیه ده بالبرهان اثبات ایدیلان عقائد اسلامیه نك بوزلماسی و بر طاقم صابقین جابقین عقائد حق اسلامیه ایله علاقه دار و حسن اخلاقندن

قلیله ده بر قاج ملین لیرا قزانوب صاویشورلر، ماصونلر
مناوبه بایسورلر، بر طرفدن کندیلری علما قیاقلی آدملرینه
تییه ایدرک ایش کوتو کیندیکی صورتده آنلری موعظه به
چیقارهرق هب بوانهزام بزم عصیانمز و فغالغمز دندر دبه
نصح ویند ایتدیریورلر . بوسورتله ییچاره صافدلان
ملت کیمسه به برشی دینه میور . ایشته بو عقیده و فاسده
مهلکه آناتولینک بتون عجزا گوشه لرینه قدر صاجاق
صالمش اولغله اداره چرخلرینی دوزملک ایچون رکیمسه
عطف نظر ایتیمور . نه عمیق حق ، نه کوتو اعتقاد .

چونکه قرآن عظیم الشان بر قومک سبب انقراضک
و خاک ایله یکسان اولسنک قصورینی اصحاب رأی لرینه
وارباب عقول لرینه عطف واسناد ایدوب قصور و کسور
بوکونی باشند صیرتنه صاهره رق توبیخ ایلورکه جناب حق
سوره هودده (فلولا کان من القرون من قبلکم) آیت
حکمتنصابله قرون ماضیه مهلکه ایچندن ممتاز اولوب
سچلمش بولنان اصحاب دین و فاضلرینی تخصیص ایدرک
قندیریور و بیوریورکه : ای امت محمد سزدن اول عذاب
استیصال ورود ایدرک بتون احیا و نابید قلتان و عروقی
منقطع اولوب نام و نشانلرندن بر اثر قلامش بولنان
قرون ماضیه واقوام سالفه ایچنده اصحاب دین و اهل درایت
و کیاست بولنوب نه اولسه ده ارضه ایقاع فساددن ظلمه
و فسادلرینی نهی و منع ایتش اولسیدیلر مضمحل و پریشان
اولماز ایدیلر . یالکیز اقل قلیل اولان اصحاب دین
و راسدن ماعداسی هب سکوت ایتدیلر . لکن ایچلرندن
عذاب و هلاکدن نجات ویردیکمز یک آرز ارباب دین
و علم واردرکه اشبو قله قلیله آنجق نهی ایتش و منع ایتش
اولدقلرندن نجات بولشلردر .

کرک یری افساد ایدن ظالمک کرک آنلرک نهی
و معنی ترک ایلان اصحاب رأی و اعیان و اشرافک کافه سی
آنجق طرف جلیل ربوبیتدن انعام اولدقلری کویا
کندیلری کیفرینه ترک اولنشلر و بر اقلمشلر جهسته

نصیبه دار اولیان ملکی عسکری علمی اشخاصک رأس
کارده بولنوب ایشک اکثریتیه اهل و اربابنه تودیع
ایدلمدیکی کوندن اعتباراً ممالک عثمانیه نک احوالی اجتماعیات
نقطه نظر ننده دخی خصوصات سائرده اولدیگی کبی
جانخراش بر حال قارشوسنده بولندیقی هرکس کوروب
اشتمکده در . مابعدی وار

خیرالدین

تفسیر شریف

اسباب انقراض وانهزام

قیاحت و قصور عوام قسمندهمی اولور ، یوقسه
خواصدهمی بولنور ؟

رأسای امت بر قومک قوامی و عاداتا جوابانی دیمک
اولدیغندن انقراضنه سببیت ویرن قصور او قومک رأسا
و علماسنه اسناد و عطف اولنور . قیونلردن مسئول
اوله حق یالکیز جوابندر . حالبوکه بعض نادانک زعمی
وجهله بویله دگمش ، قصور و قیاحت بزده ایتش .
اهالینک عصیان و اخلاق سزلانی حسیده جناب حق آنلری
مضمحل و پریشان ایدرمش ملت آبدست آلوب نماز
قیلمیورمش بوکی اوامر الهی ادا اولنسه ایتش هیچ برشی
اولمازمش و حتی امرا و وزرا بیله دوزملرمش کبی
هرکسی اقتاعه و اغفاله جالشمقدن چکنمیورلر . مقصد
خفیلری ایسه همپارینی و ولوالنعمیلرینی قورتارمق
و معاونت ایلکدرکه هر وقت بویله دیسورلر . ترکلرک
مطیع و مونس بر قوم بولندقلرندن بحث اولنور . ایشته
بونک ایچون هر کسان ، هر قوم ترکلرک اتنه آش بلیریور .
حتی بوندن استفاده ایدرک درت بچق فرماصون ترکلرک
ریاستی و زمام اداره سنی الیرینه کچیرمکه باقیورلر مدت